

興文縣志

物產	物產	交通	形勢	水利	水	古蹟	山	星野	序	第一册
下	上							建置沿革	凡例目錄圖	
								疆域		

地 289.207
42
1-5

興文縣志

物產	物產	交通	形勢	水利	水	古蹟	山	星野	序	第一册
下	上							建置沿革	凡例目錄圖	
								疆域		

地 289.207
42
1-5

興文縣志

續修興文縣志序

禮云入境問禁入國問俗古制子男五十里不及五十曰附庸則國與國之交猶今郡縣之交也使秦人宦楚而齊人宦越民風不習方語不通欲達官民之情俾無隔閡若策罷駑服鹽車以登太行爲狀苦甚所幸車書會同無勞重譯治歸於一有方志存雖南北殊音風俗各異臨民者欲究因革損益之端可徵之於簡策則州縣方志尙矣民國成立無迴避之例則鄉之所苦者去十之七然余鄂人也近省會興文位金沙之南接滇疆相距且千里風會大率相同而山川之夷險土壤之肥磽民生之瘠苦決不能以內屬概也則尺布之經緯不亞美錦之製焉矧多事之秋百端叢脞實施步驟密守憲章民隱探求賴乎故實昔朱文公知南康軍下車卽問郡志論者以爲知務心竊慕之則縣志固夙所留意也民國三十年三月奉省頒縣志概況目錄飭令填報之訓略謂立法爲政以地方實際情形爲依據各縣雖例有志書但內容大半缺乏科學組織調查難期詳審且或係遠年編刊不特徵之事實出入頗多而卷帙浩繁篇章零落校對

興文縣志

卷一

川南印刷廠代印

不精剪裁失當殊不足以資政治上之參攷云云至理名言益動於中知上官於達時應變之中寓溝通新舊之意視稽得失於故紙堆中其識量相去奚翅千萬夫視一邑民生若秦越視官署止息若傳舍棄鄉老懿行而弗錄身歷其艱有所籌措而不達而不爲後來者告仁者弗爲也余於是權興文篆已三年矣風雨時四野無事爰集邑士夫商榷毅然主續修之議咸以爲可時何君肖葛適自北平旋里羣推主筆削之任何君栖遲史局蓋亦有年於方志尤所專注年前曾任綏遠通志編輯留滯金臺三館秘籍頗窺籀籀余早歲與修邠志此中要妙亦粗識甘苦相與議論往往有合於是姚君美稱石君瑩秋石君千仞爲之助局中經畫統籌綢繆劄則蕭君煥文總其事採訪則延石君清儒劉君華清劉君紹模等十二人分鄉邏輯蓋興文縣志於民國十五年曾一度有續修之議其經費則籌自民間按租一石派洋五仙興文十五年縣存執行五萬石左右每計是議定不分山租約可收洋二千五百元之譜於爲期已越十年今惟文卷猶存書則未就求前度所徵之稟則蕩焉泯焉不可復問矣於是爰新稟之集

搜殘餘之帙參摩攷訂何君頗致勤焉爲時歷二年之久余移任南溪既一周星矣今稟蠡具邑人寄示屬爲弁言審閱一過紀述差覺翔實疏漏恐所難免而蕭君眷懷鄉邦勇於自任亟圖付梓庶不泯在事之勞余首倡斯議亦樂觀其成去後之我思在人而余中心潏洄於晏水者視之猶故鄉也因誌其經始大概如此若其體裁之折衷去取之微旨新舊之參酌絲燕之芟削何君別具有說茲不復詳焉

中華民國三十二年歲次癸未仲秋鄆筒李仲陽撰

興文縣志序

興文縣志自清嘉慶中余炳虎令是邦始有成書續志則成於光緒江亦顯任內由遜清入民國垂六十年未有紀載前任李仲陽繼倡續修之議咨諏衆意延何君肖葛爲總編輯蕭君煥文總理事務采訪未竣而李君有調任南溪之命余以壬午秋下車官事餘暇往復商榷越一年有半而書成都三十餘萬言視江志約加倍焉蓋志之爲體貴詳不尙簡是以前代方志如韓氏朝邑康氏武功削事適文識者病之然材多則冗又必剪裁中度序列分明取舍得當庶爲良史攷余氏舊志體例近雅江志踵事增華反不從無乖舛今何君所輯以散目爲篇第依類相承不立總綱屬辭比事不相廁雜視前兩書爲有法矣用付剞劂庶後之來者考覽增益無謬亂之病夫亦推輪大輅之意云耳萬縣余謝序

興文縣志序

昔杜君卿謂言地理者在辨區域徵因革知要害察風土四庫提要亦云古之地志載方域山川風俗而已其書今不可見然禹貢周禮職方氏其大較也後世著述古蹟人物藝文以次闡入於是為州縣志書之濫觴元明以後體例相沿古法澆失勢難遽返矣竊窺自禹貢而降古人載筆咸懷體化自然大公無我有餘不盡之意蓋知物理遞進無窮初不能以時代限也逮乎文士愛博夸飾土風一時結習猶為小失爰及末流或按部就班循環簿記或操觚率爾自命麟經井底之見去述作之意益遠矣矧當競爭劇烈之世習尚難同乎義斬聞見不限於海內長短相形得失立見缺憾孔多圖存益切七政不得故步自封執筆豈宜膠柱鼓瑟守先待後鏡古知今之說固足多而啓迪新機切於民生者尤至重也方志備輶軒之采山陬海澨中樞所同重視猶尺寸之膚無不愛尺寸之膚無不養也又惡可自小而忽諸吾邑縣治闢於唐宋明以前邑乘無聞其有志自清康熙二十五年始閱六十二年為乾隆十二年續纂一次皆未付梓曾

興文縣志

卷一

四川南印刷廠代印

於北平圖書館見傳鈔本再六十六年為嘉慶十八年始有刻本

字係知縣

今余炳虎所撰其事即

又五十年為同治二年有郭雲漢一序似續未成書者

其係宋事即

書知縣

亦

江志

細按門目

又二十四年為光緒十三年有重刻本

小序悉嘉慶志之舊祇子目小有更置耳而自序隱約其詞使不得原本

相讎幾不知有嘉慶志矣而刪去舊志碑記序七篇詩二十八題鹵莽之

失斯不能為賢者諱歲辛巳余適里居邑人有續修之議蓋距光緒志成

書已五十有四年中經鼎革人事日紛輯墜搜遺亟待整理卿耆舊以余

蓬轉廿年素業未改編次掇拾或具微長輒筒李君仲陽時宰吾邑謬采

虛聲聘主筆政逡巡浹歲固辭不獲始征集新稿攷索舊文沉思纂輯之

方嘗言志猶史也雖體制各別而事實遞嬗蓋於編年為近使紀自民元

則勝國二十餘年

自清光緒三十三年

至宣統三年

丁

之往蹟蓋闕使截至清末

新志

代勝則民國肇建已一世紀豈可置而不錄且廢科舉興學校立議院歐

風所以東漸憲政之胚胎或自勝國已植其基而啓其萌舍此將何以御

接執一皆非通論矣譬諸留景焉任何地攝取中一段過程足推想其未

來過去而舊景未可遽沒也今著所見所聞所傳聞於尺楮猶攝景之一段則昔人之衡於心困於慮而筆於書者猶舊景之不可沒也願可輕棄乎哉合天下方志之紀述執簡者豈盡當家然大概在二百年前之作多質勝於文讀者率能領其指歸想像其時風會偶經文人鑪冶遂致支吾傳會疑竇叢生若夫附庸風雅應檄官書更無論矣是書文苟無大瑕類理宜保其原有面目備後來參校決不可妄加芟汰庶不貽新書告成舊志旋沒之譏而蹈掠美之嫌理至昭昭也

志旋沒之譏而蹈掠美之嫌理至昭昭也
紀章載不齋當修前志者當續前人之當續前人之
志不可謂例毀不明此得非觀者自別有公論仍取前書卷帙日錄其並行姓新氏錄相入
新志意且吾亦不致見遺毀於後得人矣今取嘉慶志為主光緒間所削者
還其舊而光緒志所增輯數十年中行誼節烈科目諸篇各為分註原文
之下俾開卷瞭然其傳共永斯編者珍惜往籍之深意當為識者所同諒
至新輯諸篇或承前之作或別創之端如典禮之攷訂農田之寫實倉儲
之原委鹽法之繁瑣關隘交通之詳略物產事紀之補苴所以上備觀采
供有司之攷鏡者不敢不慎擇而詳載略具微旨各詳本篇日月推遷閱

興文縣志

卷一

五

川南印刷廠代印

時兩載而稿甫就於是李君量移南溪且逾年萬縣余君鳴謙繼其任二君者或剋於前或善其後其所以敬事而惠及吾邑俱足稱煥文既老矣躬任經始之勞催書盈尺汲汲焉抱不成不暝之慨其盡瘁父母之邦可謂至矣若其懇勤訪輯則石君清如劉君華清皆屆懸車之年商討門類則姚君美稱細為區分頗具精意鄉賢列女之補載學校官師之彙列則瑩秋千仞之力為多余惟略加編次綴以己意而已自維少歷憂患聞道蓋晚慙慙庸庸領茲艱鉅學不加修而行年將五十矣今而後其更有進而補今之失未可知也唯是見聞或寡言悉由衷恭敬梓桑情斯無極仰思千載通誠儼恪敷予心腹敢質明賢用識其成編歲月於此云爾是為序

民國三十二年歲癸未秋九月朔日邑人何鴻亮撰

興文縣志修纂姓氏

前署興文縣縣長監修郭簡 李仲陽 以字行

興文縣縣長監修萬縣 余 詡 字鳴

總編輯兼總校邑人 何鴻亮 字肖

總務兼督刊 蕭國仁 字煥文

編輯 姚永贊 字美稱

編輯 石登輝 字登秋

編輯 石攬輝 字十仞

晏陽鎮 石日貞 字清如

晏陽鎮 夏世鏗 字屏張

博瀘鄉 劉華清

玉屏鄉 王哲夫

富安鄉 龍仿舟

兩隆鄉 夏象乾

興文縣志

卷一

六

川南印刷廠代印

仙峯鄉 采訪 羅竹齋

興晏鄉 采訪 袁育安

建武石河碑 鄉 采訪 劉紹模

老堡上羅 特編保 采訪 尹陞卿

第一區內兼管林堡 采訪 龐德明 字克俊

第二區內兼管簸峽鄉 采輯 陳膺葵 字芳圃

炭陽五保 采訪 張萬鈞 字秉衡

書 記 何鴻麻 字慎周

書 記 周學光

繪圖製表 何倫先 字叔彝

興文縣志凡例

- 一 茲編主旨上溯清嘉慶志光緒志擬以本期採訪所得迄今百餘年而事使得連貫說詳序中
- 一 此番編輯門目更新然於舊志所紀事實祇標明余志江志除祀典外聖哲諸贊聖諭十六條火神祠以下儀注祭文及朝賀講約等徑予刪削外原文詞意字句悉未敢妄加刪節
- 一 文武廟祀典所載樂章自嘉慶志沿誤至今百年今據他志更正儀一以至先農壇止文昌城隍以下停祀者闕之於祠廟門記其遺址而已
- 一 人士列女凡採訪所得無不著錄蓋閭里之譽匹夫匹婦未可湏得以此以重鄉評挽頹風決不敢挾私意進退其間
- 一 舊志藝文及新輯碑傳詩文咸附入於本事本傳依吳郡志例也無可傳麗者入文徵於文徵門尚待續補
- 一 時代語不削如石達開寇蜀或稱髮逆等語句彼自他時言之耳以其時攷之得失自見依江津志例也

興文縣志

卷一

七

川南印刷廠代印

- 一 生存不列傳史家通例惟孝女孀婦苦情懸絕志終於一之死靡他者得權書其概略注明生存待論定焉
- 一 縣屬地瘠民貧交通艱阻工商渺發展新機民生惟農田是賴故是一編於農田紀述不厭求詳蓋有待於後來眷懷鄉土弘濟艱難之賢哲
- 一 舊志於選舉後列仕宦封蔭兩門此自帝制時代矜誇閱閱之為他志不少概見蓋仕履如言可紀多詳本傳生存者事業或不止此則仕宦一門等於摺紳官報封蔭則世職世祿府子任子地有奇傑庸所當紀自末世捐納之例開富民率得以千百緡錢博虛封以榮其親若通都大邑有不詳載者甚無謂也茲據舊志所載統列表光宣以後不復續焉
- 一 藍石張李之亂邑縣騷擾特甚然故老傳聞頗有異詞亦聞見者智識之不齊也俾得楊鄒松手記一册時地詳晰指而可知更取王縉綺湘志川陝篇並附事紀之末庶源流可討知鄉里之微瀾與大局之進退同消長則曠曠者不疑賊自天上來非特資談助先代軍政之得失於


以考見焉

一邑人薛侍郎煥由孝廉崛起歷任封圻其主持吾國外交在李文忠公前舊志事蹟過略茲搜輯郭嵩燾所爲墓志及黎庶昌曾文正公年譜摘其有關侍郎事實并附本傳俾後進知侍郎立朝本末庶或奮發興起云

一是編上承清嘉慶光緒兩志爲之不得謂之新輯中有民國紀元後創立門目不得謂之續纂新舊遞嬗要以土地人民政事爲本體所以存固有之善而待來哲之恢拓擴充意在斯乎

興文縣輿圖

圖例	
□	縣治
●	鄉鎮
文	中心校
⊖	山脉
∟	河流
—	道路
—	公路
++++	電綫
++++	已復綫
++++	未復綫
— · — ·	省界
— · — ·	縣界
— · — ·	區界
— · — ·	鄉界
田	郵局 (或代辦所)



興文縣志總目

編首 序 修志姓氏 凡例 輿圖

卷一 星野 北極高度 東西偏度 氣候

卷二 山

卷三 古蹟 墳墓

卷四 水

卷五 水利

卷六 形勢

卷七 交通

卷八 物產 上

卷九 物產 下

卷十 城池

卷十一 公署 局處會

卷十二 武備

興文縣志

卷一

九

川南印刷廠代印

卷十三 戶口

卷十四 田賦

卷十五 倉儲

卷十六 鹽茶

卷十七 自治

卷十八 慈善

卷十九 農田

卷二十 實業

卷二十一 祀典

卷二十二 禮制 鄉飲 風俗 禮族 宗教

卷二十三 壇廟 寺觀 宗祠 樓臺

卷二十四 學宮 學額 書院 學田

卷二十五 選舉 附五貢題名 廩舉人題名 進士題名 選舉沿革

卷二十六 學校

卷二十七官師官師表 中華民國職官表

卷二十八宦蹟

卷二十九人士上

卷三十人士下

卷三十一義烈附 氏元以來死事者

卷三十二耆耄隱逸 流寓 釋道

卷三十三列女上

卷三十四列女下

卷三十五壽母

卷三十六事紀

卷三十七藝文

卷三十八金石

卷三十九舊志序

興文縣志

卷一

一〇

川南印刷廠代印

興文縣志卷第一

星野

漢書地理志自井十度至柳三度謂之鶉首之次秦之分也通志天文引志明史天文志引大明清類天文分野書井九度至柳三度鶉首之次四川布政使司所屬皆井鬼分

四川通志敘州府鶉首之次

按清一統志四川布政司所屬惟夔州綏遠兩府石柱太平兩廳及酉陽直隸州為翼軫分野鶉尾之次餘皆井鬼分野鶉首之次證以周禮鄭注漢書地理志月令章句帝王世紀諸書皆無不合若晉志之謬自不待辨矣以上據府志晉成敘州府志

與文在敘府之東南一百八十里分野仍當為鶉首之次通志載敘府入參三度瀘蜀疑屬入參四度星經云一度統地一千三百九十二里一說統地三千九百三十二里按敘瀘接壤不應相隔如此之遙惟黃鼎度里通議則謂每度約二百五十里宜為得之又黃鼎有分野變更之說後儒

興文縣誌

卷一

二

川南印刷廠代印

因而推之據西法周天十二宮宮各三十度列宿七十年有奇退一度二千一百餘年當移一宮如明史稱觜宿唐測在參前半度元測在參前五分今測已侵入參宿故舊法先觜後參今法先參後觜他若觜宿之座旗九星今止存五而少其四井宿之軍市十三星今止存五而少其八鬼宿之外厨六星今止存五而少其一其或古有而今竟無或古無而今忽有前輩辨論不一茲圖悉照星歌譜之亦是舊法然星宿之更變要不得以膠柱求也以上志

按班書藝文志天文二十一家四百四十五卷清四庫著錄天文算法類推步之屬三十一部四百二十九卷斯自古學有專門官有世守未籓籬者未可臆斷其難憑謂昭昭者其可忽也精儒鄒漢勳謂分星即土中之說所推耳子說詳鄒叔顧彈丸之地謂必於星何屬於理斯鑿今取自省逮郡說之近是者箸之編余志所述蓋亦通論並綴於後以俟來哲至參井鬼宿圖及歌與夫繁徵博引皆削去蓋圈舉一隅奚足以側天徵引紛如益滋惑也編者識



北極高度

清歷象考成各省日出時刻均以本處之北極高度立算明史天文志崇禎初西洋人測得北極出地度分四川二十九度

揣齋小錄 興文北極出地二十八度九分一秒

宜賓二十八度八分四秒慶符二十八度二十一分富順二十九度一十七分南溪二十八度四十六分三秒長寧二十八度高縣二十八度一十四分筠連二十八度五分三秒珙縣二十八度一十五分隆昌二十九度二十七分二秒屏山二十八度三分馬邊二十八度五十九分雷波^四

東西偏度

各省節氣時刻皆以京師^北平時^時指為主視各省東西之偏度加減之明史天文志成都府偏西十三度

揣齋小錄 興文縣偏西一十一度一十五分

宜賓一十一度四十三分慶符一十一度五十三分富順一十一度

二十三分南溪一十一度二十四分三秒長寧一十一度三十六分三秒高縣一十一度五十二分筠連一十二度四分三秒珙縣一十一度四十三分隆昌一十一度七分屏山一十二度一分馬邊一十二度五十一分雷波^四

氣候 據民國三十年縣府具報省府概況第一篇自然環境第六章縣屬常年平均溫度○。一九，四度

降雨量為一三〇公寸

又按概況第六篇第二章水利第一節氣象載興文全縣氣候頗不一致第二區寒而燥第一區暖而潤據縣城四等測候所紀載常年平均溫度為攝氏一九，八度平均蒸發量為一，八公釐全年降雨量為八五七，三公釐

建置沿革

興文禹貢梁州域周秦為西南夷漢建元六年闡夜郎置犍為郡為漢陽縣地後沒於蠻獠 唐儀鳳二年開山洞置晏州領崑峨柯蔭新賓扶來

思晏時岡羅陽七縣先天二年降為羈糜州天寶初改羅陽郡乾元初復
曰晏州屬瀘州都督府 宋初因之熙寧後廢屬長寧軍後為大壩都掌
蠻地 元至元十七年立大壩都總管二十二年改戎州屬馬湖路 明
初改戎州為戎縣萬歷四年克平九絲都掌蠻設建武守禦所時縣始名
興文隸叙州府屬知縣一典史一儒學教諭一訓導一駐防把總一營大分
防 清因之乾隆元年裁建武官并隸興文嘉慶十六年裁訓導江移北重理慶

建武在縣西南明萬歷以前為都掌蠻盤踞不在版圖之內萬歷元年
克平設建武守禦所直隸都司於敘南瀘州二衛遴選指揮掌印又設
鎮守總兵一守備一同知一儒學學正一千戶一吏目一名其治曰直
地安邊廳二十四年裁鎮守總兵設遊擊鎮其地 清康熙六年裁守
禦所及同知儒學吏目以叙州府通判兼治存遊擊守備以資彈壓乾
隆元年移叙州府通判駐鄧井關併建武於興文移橫江巡檢駐建武
理民詞訟二十七年並裁巡檢僅留武職四十三年又裁遊擊守備駐

興文縣誌

卷一

一三

川南印刷廠代印

潼綿營改設都司屬永寧營參將建武都司轄千總一駐防筠連縣把
總二一駐防建武一駐防珙縣外委三一駐防羅星汎一駐防落亥一
駐防建武城額外外委一駐建武城志餘

宣統元年大吏題請將興文移治建武以敘州府經歷分駐縣城
民元年復舊治始改縣司令旋有改縣知事十

四川民政長令案准臨時參議會咨開案據興文縣議事會彭永圖等
以興文縣治曾經復舊不應再遷等情并繪圖帖說請願到會一案會
經咨請貴民政長調查案卷在案復准大咨鈔送該縣上下鄉紳原呈
并川南總司令及該縣知事呈稿共五件到會本會詳加查核參考圖
說該縣地形狹長舊城處下游四鄉新城處上游六鄉舊城之設治其
來已久前清光緒末年護川督趙爾豐始奏築新城改遷縣治查核所
呈地圖新城實抵極邊為全縣建瓴之勢謂為扼塞誠非虛誣然自來
經畫郊圻一州一邑必有一天然扼要之處為全局守望注重之點以
資控馭原無足異如謂縣治之設必在於是是不知設險與設置之各